

**UDRUŽENJE INŽENJERA I TEHNIČARA ŠUMARSTVA
FEDERACIJE BOSNE I HERCEGOVINE**

S T A T U T

**UDRUŽENJA INŽENJERA I TEHNIČARA ŠUMARSTVA
FEDERACIJE BOSNE I HERCEGOVINE**

Sarajevo, April 2012. godine

Na osnovu člana 14. Zakona o udruženjima i fondacijama ("Službene novine Federacije BiH", broj 45/02), Skupština Udruženja inženjera i tehničara šumarstva Federacije Bosne i Hercegovine, održana dana 23.03.2012. godine u Zenici, donosi

S T A T U T

UDRUŽENJA INŽENJERA I TEHNIČARA ŠUMARSTVA FEDERACIJE BOSNE I HERCEGOVINE

I OPŠTE ODREDBE

Član 1.

Ovim Statutom utvrđuje se naziv, sjedište i područje na kojem djeluje Udruženje, djelatnost, svrha i ciljevi, uslove i postupak učlanjenja u Udruženje, organi upravljanja, postupak izbora i opoziva članova (delegata), te njihov mandat u organima upravljanja, način odlučivanja organa upravljanja, način sticanja, korištenja i raspolaganja sredstvima Udruženja, način donošenja-odluka od strane organa upravljanja, uključujući način donošenja odluke o prestanku rada Udruženja, javnog rada, zastupanje i predstavlanje Udruženja, način donošenja Statuta, uključujući njegove izmjene i dopune, pečat Udruženja te njegovo korištenje, prestanak članstva u Udruženju, prava i odgovornosti članova Udruženja, kao i druga pitanja od značaja za rad Udruženja.

Član 2.

Puni naziv Udruženja glasi: Udruženje inženjera i tehničara šumarstva Federacije Bosne i Hercegovine. Skraćeni naziv Udruženja glasi "U Š I T" FBiH (u daljem tekstu : "U Š I T")

Član 3.

Sjedište UŠIT-a je u Sarajevu, ulica Zagrebačka broj 20.

Član 4.

UŠIT djeluje na području Federacije Bosne i Hercegovine.

Član 5.

UŠIT ima amblem, u vidu skraćenog naziva UŠIT, gdje se ističe uvećano dekorisano slovo "Š", koje asocira na djelatnost UŠIT-a, a iznad kojeg se nalazi deset zvjezdica u polukrugu. Ispod zvjezdica piše naziv "Udruženje inženjera i tehničara šumarstva" u vidu polukruga, a ispod skraćenice UŠIT, piše horizontalno, ostatak naziva "Federacije Bosne i Hercegovine". Amblem je zeleno - žute boje i obavezno se koristi na svim eksternim aktima.

Član 6.

UŠIT posjeduje pečat koji je okruglog oblika promjera širine 30 mm na čijem rubnom djelu je ispisan tekst: Udruženje inženjera i tehničara šumarstva Federacije Bosne i Hercegovine, na Bosanskom i Hrvatskom jeziku i latiničnim pismom.

Korištenje, čuvanje i uništenje pečata iz predhodnog stava, te njihov broj i vrstu Odlukom utvrđuje Predsjedništvo.

II CILJEVI, DJELATNOST UDRUŽENJA

Član 7.

UŠIT je vanstranačka, nevladina organizacija, čiji su članovi prvenstveno inženjeri i tehničari šumarstva, koja organizira svoje članove u profesionalnu strukovnu organizaciju. Osnovni ciljevi UŠIT-a su:

1. Afirmisati šumarsku struku i profesiju, kako bi stekla i održala pripadajuću ulogu i značaj u društvu koja odgovara ulozi i značaju šuma i šumarstva u ukupnom ekonomskom, privrednom, socijalnom i ekološkom pogledu.
2. Učestvovati u pripremi i donošenju šumarske politike, strategije šumarstva, zakona i podzakonskih akata i dati puni doprinos jedinstvenim progresivnim i dugoročno održivim rješenjima.
3. Preuzimati aktivnosti radi poboljšanja statusnog i materijalnog položaja Udruženja.
4. Obrazovati članove Udruženja i građane putem seminara, predavanja i ekskurzija, izmjena stručnih iskustava i aplikacija, naučnih iskustava koristeći sve vidove komunikacija.
5. Organizirati izdavanje časopisa, kao i objavljivanje stručnih i naučnih djela u skladu sa Zakonom.
6. Uspostavljanje odnosa sa sličnim udruženjima, naučnim i stručnim institucijama u zemlji i svijetu sa ciljem razmjene iskustva i saradnje.

Osnovni sadržaj djelatnosti UŠIT-a je: zalaganje za usmjeravanje strategije šumarstva, te odnosa društva prema šumi kao najznačajnijem faktoru biosfere, zaštita i prezentacija prirodnih resursa i njihovo racionalno korištenje, te kroz to prezentiranje prirodnih bogastava Federacije Bosne i Hercegovine, pokretanje i izrada publikacija u skladu sa Zakonom, organizovanje raznih skupova, seminara, simpozija obrazovnih i istraživačkih aktivnosti u oblasti šumarstva, saradnja sa nevladinim organizacijama istih i sličnih programskih orjentacija u zemlji i inostranstvu u skladu sa Zakonom.

Član 8.

Za ostvarivanje ciljeva i djelatnosti Udruženja iz člana 7. Statuta mogu se obrazovati sekcije sa ciljem konkretnijih aktivnosti po određenim djelatnostima.

Sekcije se formiraju Odlukom Predsjedništva.

Član 9.

UŠIT u skladu sa Zakonom, može se pojaviti kao osnivač preduzeća.

Odluku iz predhodnog stava donosi Skupština UŠIT-a.

Član 10.

UŠIT se u skladu sa Zakonom može udružiti ili pojaviti kao inicijator za formiranje Saveza udruženja, te se može udružiti i u druge oblike udruživanja, kao i u međunarodna udruženja, u skladu sa Zakonom.

Odluku iz predhodnog stava donosi Skupština UŠIT-a.

Član 11.

UŠIT stiče svojstvo pravnog lica sa pravima, obavezama i odgovornostima zasnovanim na Zakonu i ovim Statutom, upisom u registar Federalnog ministarstva pravde.

III USLOVI I NAČIN UČLANJENJA PRESTANAK ČLANSTVA, PRAVA, DUŽNOSTI I ODGOVORNOSTI ČLANOVA

Član 12.

Učlanjene u UŠIT je slobodno i dobrovoljno.

Član Udruženja može biti državljanin Bosne i Hercegovine, strano lice koje ima stalni ili privremeni boravak u Bosni i Hercegovini, ili pravno lice koje dobrovoljno pristupi Udruženju na način propisan Statutom. Prvenstveno članovi Udruženja su inženjeri i tehničari šumarstva.

Član 13.

Predsjedništvo UŠIT-a može donijeti Odluku, kojom građane koji svojim aktivnostima daju doprinos u postizanju ciljeva Udruženja, proglasiti počasnim, odnosno zaslužnim članovima Udruženja.

Član 14.

Postupak prijema (učlanjenja), visinu članarine, formi i sadržaju članske knjižice, te načinu vođenja evidencije i kategorizacije članova UŠIT-a, utvrđuje se Pravilnikom o članstvu, koji usvaja Skupština ili Predsjedništvo Udruženja po ovlaštenju Skupštine, u skladu sa Statutom.

Član 15.

Sticanjem članstva u UŠIT svaki član stiče prava, obaveze i odgovornosti utvrđene ovim Statutom. Prestanak i brisanje iz spiska članstva UŠIT-a isključivo može biti izvršeno na način i u postupku utvrđenom ovim Statutom.

Član 16.

Pravo svakog člana UŠIT-a je :

- da aktivno učestvuje u ostvarivanju ciljeva i zadataka, koje učešće treba da se odvija u raznovrsnim oblicima rada i aktivnosti,
- da redovno izmiruje članarinu,
- da koristi povlastice i mogućnosti koje UŠIT obezbjeđi u pogledu zapošljavanja, kulturnog, prosvjetnog, sportskog i društveno-zabavnog života i rada,
- da traži i dobije informaciju o djelatnostima UŠIT-a,
- da dobije odgovor na pitanje koje je od interesa za njega, uključujući tu i druge relevantne činjenice koje predstavljaju presudnu važnost za njega,
- da poštuje i izvršava donesene Odluke nadležnih organa,
- da ne remeti međuljudski uspostavljeni odnos sa drugim članom ili članovima, ne povređujući integritet, poštovanje i ličnost bilo kojeg člana ili članova na bilo koji način.

Član 17.

Članstvo u UŠIT-u prestaje ako :

- član samovoljno napusti uz jasno izjašnjavanje volje,
- član ne izmiruje obavezu plaćanja članarine,
- član umre,
- ne poštuje donesene Odluke nadležnih organa ili remeti međuljudske uspostavljene odnose sa drugim članovima, te povređuje integritet, poštovanje ličnosti člana ili članova na bilo koji način.

Član 18.

Odluku o prestanku članstva donosi Sud časti, a na osnovu prijedloga Predsjedništva Podružnice UŠIT-a.

Na Odluku organa iz predhodnog stava, koja bude donesena na osnovu člana 17. anlineja 2. i 4. Statuta, svaki član stiče pravo u roku Zakonom utvrđenim, na ulaganje prigovora/žalbe o kojoj odlučuje organ utvrđen Statutom čija je Odluka konačna i izvršna, a koja u svakom slučaju postaje konačna i izvršna ako protekne rok za izjavljivanje prigovora/žalbe.

Po ispunjenju uslova iz predhodnog stava, član se automatski briše.

Član 19.

Član koji nanese štetu oštećenjem ili uništavanjem inventara, stalnog sredstva ili bilo koju štetu nad imovinom UŠIT-a dužan je istu nadoknaditi u visini njene stvarne vrijednosti.

IV ORGANI UŠIT-a, NAČIN NJIHOVOG IZBORA, OPOZIVA, TRAJANJE MANDATA, ODLUČIVANJA I ODGOVORNOSTI

Član 20.

Organi UŠIT-a su :

- Skupština,
- Predsjedništvo,
- Nadzorni odbor,
- Statutarna komisija i
- Sud časti.

Član 21.

U organizacijskom smislu UŠIT može imati svoje Podružnice kao prostornu organizacionu formu, a u cilju podizanja efikasnosti djelovanja Udruženja.

Podružnice se formiraju u skladu sa Zakonom i ovim Statutom i to u administrativnim granicama Kantona - Županija i mogu imati status Pravnog lica.

Podružnicu čine svi članovi inženjeri i tehničari sa tog područja, a ukoliko nisu organizovani kao Podružnica, svi su članovi direktno članovi UŠIT-a FBiH.

Član 21a.

Finansiranje Podružnice vrši se:

- iz članarine članova Podružnice,
- donacijama,
- aktivnostima u radu Podružnice predviđenim normativnim aktima i
- iz drugih izvora.

Visinu članarine određuje Podružnica svojim aktom.

Član 22.

Najviši organ upravljanja UŠIT-a je Skupština.

Skupština UŠIT-a broji 65 delegata.

Delegati Skupštine se biraju u Podružnicama, odnosno Kantonima po principu zastupljenosti članova sa cijele teritorije FBiH, zavisno od broja članova.

Član 23.

Predsjednik Skupštine saziva Skupštinu najmanje jedanput godišnje.

Organi upravljanja mogu podnijeti zahtjev Predsjedniku Skupštine za sazivanje vanredne sjednice Skupštine, iz razloga utvrđenim Statutom.

Skupština donosi Odluke, ako je prisutna nadpolovična većina delegata, glasanjem nadpolovičnom većinom prisutnih delegata.

Bliže odredbe o načinu rada Skupštine urediće se posebnim aktom (Poslovníkom o radu).

Član 24.

Delegate Skupštine delegiraju Podružnice prema kriterijima koje utvrdi Predsjedništvo.

Mandat delegata Skupštine traje 4 (četiri) godine, s pravom ponovnog izbora.

Član 25.

Svaki delegat Skupštine može biti opozvan, iz razloga utvrđenim ovim Statutom.

Član 26.

Član organa upravljanja odgovoran je organu koji ga je izabrao pod uslovima utvrđenim Statutom.

Član 27.

Skupština:

- donosi Statut, izmjene i dopune Statuta i druge akte određene Statutom,
- daje saglasnost na pravne radnje poduzete u postupku osnivanja Udruženja,
- bira i opoziva članove organa upravljanja: predsjednika Skupštine, zamjenika Predsjednika Skupštine, članove Predsjedništva, Nadzorni odbor, Sud časti i Statutarnu komisiju,
- donosi Odluke o sjedištu, amblemu, djelatnosti Udruženja, kao i o osnivanju preduzeća,
- usvaja godišnje programe rada i izvještaje o radu,
- usvaja finansijski izvještaj UŠIT-a,
- usvaja izvještaj o poslovanju preduzeća iz člana 9. stav 1. Statuta,
- odlučuje o udruživanju u saveze, pripajanju, razdvajanju, transformaciji, prestanku rada i drugim statusnim promjenama Udruženja;
- odlučuje o visini članarine,
- daje smjernice, uputstva i na druge načine usmjerava rad organa upravljanja i
- odlučuje o svim pitanjima koja nisu u nadležnosti drugog organa.

Član 28.

Vanredna sjednica Skupštine održat će se :

- ako je neophodno određenje Skupštine po značajnim pitanjima od interesa za šumarstvo Federacije BiH, kao i pitanjima značajnim za status i ulogu UŠIT-a,
- ako organi upravljanja ne obavljaju rad u skladu sa Statutom i opštim aktom,
- ako se ispuni bilo koji razlog za opoziv članova organa upravljanja, a što onemogućava rad tih organa.
- i drugim hitnim slučajevima koji onemogućavaju normalan rad, a u skladu sa Zakonom, Statutom i aktima UŠIT-a.

Član 29.

Predsjednika Skupštine bira i opoziva Skupština.

Izbor predsjednika Skupštine vrši se na izbornom zasjedanju Skupštine, većinom osvojenih glasova između predloženih kandidata.

Za Predsjednika Skupštine, ne mogu biti predloženi kandidati koji su kažnjavani za krivična djela iz oblasti privrednog kriminala, te ne mogu biti predloženi ni kandidati koji su u sukobu interesa, a prema Zakonu koji tretira sukob interesa.

Mandat Predsjednika Skupštine traje četiri godine.

Predsjednik Skupštine:

- predstavlja i zastupa UŠIT u pravnom prometu sa trećim licima, zaključuje ugovore i odgovoran je za zakonitost rada zajedno sa Predsjednikom Predsjedništva i Sekretarom UŠIT-a,
- saziva sjednice Skupštine i rukovodi njihovim radom, potpisuje Odluke iz svoje nadležnosti, stara se o provođenju odredaba Poslovnika,
- prisustvuje sjednicama Predsjedništva, ali bez prava odlučivanja,
- vrši i druge poslove za koje ga ovlasti Skupština.

Član 30.

Zamjenikom Predsjednika Skupštine postaje lice koje je pri izboru za Predsjednika Skupštine bilo na drugom mjestu po broju osvojenih glasova.

Za Zamjenika Predsjednika Skupštine, ne mogu biti predloženi kandidati koji su kažnjavani za krivična djela iz oblasti privrednog kriminala, te ne mogu biti predloženi ni kandidati koji su u sukobu interesa, a prema Zakonu koji tretira sukob interesa.

Predsjednik i Zamjenik Predsjednika Skupštine ne mogu biti iz istog Kantona (Podružnice).

Zamjenik Predsjednika Skupštine pomaže Predsjedniku Skupštine u izvršavanju poslova i zadataka i zamjenjuje ga u odsustvu.

Član 31.

Predsjedništvo je izvršni organ sa upravljačkim funkcijama i pravima utvrđenim ovim Statutom.

Član 32.

Predsjedništvo broji 11 (jedanaest) članova, koji se predlažu i biraju na isti način kao delegati u Skupštini.

Predsjedništvo se sastaje po potrebi, a najmanje jedanput kvartalno.

Član 33.

Predsjedništvo je odgovorno za svoj rad Skupštini.

Članove Predsjedništva imenuje i opoziva Skupština.

Ukoliko je neki od članova bilo kog organa UŠIT-a neaktivan i ne dolazi više od tri puta uzastopno, neopravdano na sjednice istog ili da pisanu izjavu da ne želi da učestvuje u radu, u organ UŠIT-a će se kooptirati novi član, poštujući principe kao kod izbora.

Član 34.

Mandat članova Predsjedništva traje 4 (četiri) godine.

Po isteku vremena iz prethodnog stava, članovi mogu biti ponovo birani u postupku i na način utvrđen Statutom i aktima UŠIT-a.

Član 35.

Predsjedništvo donosi Odluke iz svoje nadležnosti nadpolovičnom većinom svih članova.

Član 36.

Predsjedništvo može sazvati vanrednu sjednicu Skupštine.

Član 37.

Predsjedništvo:

- priprema sjednice Skupštine,
- priprema i predlaže nacrt izmjena Statuta i drugih akata koje donosi Skupština,
- provodi politiku, zaključke i druge odluke koje je donijela Skupština,
- upravlja imovinom Udruženja,
- podnosi godišnje ili periodične izvještaje o svom radu Skupštini na usvajanje,
- donosi opšte akte iz svoje nadležnosti,
- utvrđuje prijedloge za imenovanje i opoziv pojedinog člana organa upravljanja,
- vrši izbor Sekretara UŠIT-a i v.d. u skladu sa Zakonom,
- daje upute i smjernice Sekretaru,
- usvaja periodične obračune i predlaže godišnji obračun UŠIT-a, uključujući donošenje Odluka o kretanju finansijskih sredstava koja prelaze iznos utvrđen finansijskim planom,
- imenuje i razrješava upravu iz člana 9. stav 1. Statuta,
- prima i opoziva počasne članove UŠIT-a iz razloga utvrđenim Statutom,
- izabira predstavnike u nadležni organ iz člana 10. stav 1. Statuta i
- vrši i druge poslove utvrđene Zakonom, Statutom i aktima UŠIT-a.

Član 38.

Predsjednika Predsjedništva bira Predsjedništvo iz reda svojih članova na konstituirajućoj sjednici. Za Predsjednika Predsjedništva, nemogu biti predloženi kandidati koji su kažnjavani za krivična djela iz oblasti privrednog kriminala, te nemogu biti predloženi ni kandidati koji su u sukobu interesa, a prema Zakonu koji tretira sukob interesa.

Predsjednik Skupštine i Predsjednik Predsjedništva ne mogu biti iz istog Kantona (podružnice).

Predsjednik Predsjedništva u okviru svojih prava i dužnosti :

- predstavlja i zastupa UŠIT u pravnom prometu sa trećim licima, zaključuje ugovore i odgovoran je za zakonitost rada zajedno sa Predsjednikom Skupštine i Sekretarom UŠIT-a,
- zajedno sa Sekretarom organizuje, priprema, saziva sjednice Predsjedništva i predsjedava sjednicama Predsjedništva,
- stara se o izvršavanju planova rada i realizovanju Odluka i zaključaka Skupštine i Predsjedništva,
- potpisuje opšta akta koja donosi Predsjedništvo i potpisuje Odluke iz svoje nadležnosti,
- izvršava i druge poslove koje mu povjeri Skupština i Predsjedništvo.

Član 39.

Zamjenikom Predsjednika Predsjedništva postaje lice koje je pri izboru za Predsjednika Predsjedništva bilo na drugom mjestu po broju osvojenih glasova.

Za Zamjenika Predsjednika Skupštine, nemogu biti predloženi kandidati koji su kažnjavani za krivična djela iz oblasti privrednog kriminala, te nemogu biti predloženi ni kandidati koji su u sukobu interesa, a prema Zakonu koji tretira sukob interesa.

Predsjednik i Zamjenik Predsjednika Predsjedništva nemogu biti iz istog Kantona (podružnice).

Zamjenik Predsjednika Predsjedništva pomaže Predsjedniku Predsjedništva u izvršavanju poslova i zadataka i zamjenjuje ga u odsustvu, osim predstavljanja i zastupanja i potpisivanja ugovora.

Član 40.

Nadzorni odbor je organ kontrole i nadzora poslovanja UŠIT-a.

Nadzorni odbor se sastoji od 3 (tri) člana, Predsjednik i dva člana.

Mandat Nadzornog odbora je 4 (četiri) godine.

Odbor održava sjednicu prema potrebi, a najmanje dva puta godišnje.

- Nadzorni odbor je odgovoran za svoj rad Skupštini UŠIT-a.
- Članove Nadzornog odbora imenuje i opoziva Skupština UŠIT-a.
- Stavove, mišljenja i prijedloge Nadzorni odbor utvrđuje većinom glasova Nadzornog odbora.

Član 41.

Nadzorni odbor :

- analizira izvještaje o materijalnom poslovanju UŠIT-a,
- vrši nadzor nad upotrebom sredstava za rad, te pregleda godišnji izvještaj o poslovanju i godišnji obračun,
- pregledava i provjerava urednost, ažurnost i zakonitost vođenja poslovnih knjiga i drugih akata o poslovanju UŠIT-a,
- izvještava Skupštinu i Predsjedništvo o stanju iz predhodnih anlineja,
- vrši i druge poslove utvrđene Statutom i aktima UŠIT-a.
-

Član 42.

Član organa upravljanja može biti opozvan, u toku trajanja mandata ako :

- ne obavlja funkciju člana u skladu sa Statutom i aktima, naročito ako ne prisustvuje sjednicama,
- remeti rad s nepristojnim ponašanjem, prisustvom sjednicama u alkoholiziranom i toksimatskom stanju i.t.d.,
- ispune se uslovi predviđeni u članu 17. Statuta,
- uslijed teško narušenog zdravstvenog stanja nije u mogućnosti obavljati funkciju člana,
- ispune se Zakonom propisani uslovi.

Statutarna komisija

Član 43.

U cilju otklanjanja poremećaja i nejasnoća izazvanih interpretacijom Statuta, opštih akata i pojedinačnih Odluka, kao i otklanjanja nejasnoća na relaciji Savez - udružene članice, obrazuje se Statutarna komisija koja broji 3 (tri) člana.

Statutarna komisija na svojoj prvoj sjednici bira predsjednika komisije.

Članove Statutarne komisije bira Skupština iz reda delegata na period od 4 (četiri) godine uz mogućnost izbora najviše jedan mandat.

Član 44.

Statutarna komisije prati ostvarivanje Statuta i drugih akata i obrazlaže Skupštini tekst autentičnog tumačenja njihovih odredaba.

Statutarna komisija po potrebi, a u skladu sa Zakonom, donosi i Skupštini prezentira prijedlog izmjena i dopuna Statuta UŠIT-a.

Za svoj rad Komisija je odgovorna Skupštini.

Sud časti

Član 45.

Sud časti sačinjava 3 (tri) člana koje bira Skupština iz reda delegata na period od 4 (četiri) godine, uz mogućnost ponovnog izbora najviše jedan mandat. Sud časti na prvoj sjednici bira predsjednika Suda časti.

Član 46.

Sud časti rješava u prvom stepenu krnjenje ugleda UŠIT-a, neovlaštenog istupanja na javnim mjestima ili u sredstvima javnog informisanja, iznošenje neistina o Udruženju i članstvu.

Sud časti isključivo radi prema Pravilniku Suda časti, koga donosi Skupština.

Sud časti za svoj rad je odgovoran Skupštini.

Komisije Skupštine i Predsjedništva UŠIT-a

Član 47.

Skupština može obrazovati komisije privremenog ili trajnog karaktera.

Sve komisije broje 3 (tri) člana, a bira ih Predsjedništvo iz reda delegata na period od četiri godine, a privremene komisije dok traje potreba za njihovim radom. Na prvoj sjednici komisije bira se predsjednik komisije.

Član 48.

Komisije trajnog karaktera su :

- za socijalno-statusna pitanja članova,
- za odnose sa međunarodnim organizacijama,
- za informisanje i izdavačku djelatnost,
- komisija za prijem u članstvo.

Član 49.

UŠIT ima Sekretara.

Imenovanje i razrješenje dužnosti Sekretara vrši Predsjedništvo.

Sekretar za svoj rad odgovara Predsjedništvu.

Član 50.

Sekretar u okviru svojih prava i zadataka profesionalno obavlja:

- realizuje sve aktivnosti po Odlukama Predsjedništva i Predsjednika Predsjedništva,
- priprema materijale za zasjedanje Skupštine, Predsjedništva i drugih organa Udruženja,
- vodi zapisnike sa zasjedanja Skupštine i Predsjedništva i drugih organa Udruženja,
- prati finansijsko poslovanje Udruženja, vodi brigu o imovini Udruženja i o tome redovno izvještava Predsjedništvo,
- obavlja sve ostale poslove za kvalitetno funkcionisanje Udruženja i svih njegovih organa.

V NAČIN STICANJA, KORIŠTENJA I RASPOLAGANJA IMOVINOM UŠIT-a

Član 51.

Imovinu UŠIT-a čine sredstva, imovina, nekretnine, potraživanja, prava i obaveze, koje se bilansiraju danom 31. decembra tekuće godine.

Član 52.

UŠIT preko ovlaštenih lica za zastupanje i predstavljanje zaključuje ugovore i vrši druge poslove i radnje u okviru svoje pravne sposobnosti.

Član 53.

UŠIT odgovara za svoje obaveze svojom imovinom.

Član 54.

Sredstva za rad UŠIT-a obezbjeđuju se iz sljedećih izvora:

- prihodi od članarine: pojedinačna i kolektivna;
- dobrovoljni priloz i pokloni fizičkih i pravnih lica;
- sredstva dodjeljenja iz budžeta;
- prihodi od kamata, dividendi, dobiti od kapitala, zakupnina, honorara i sličnih izvora pasivnih prihoda;
- prihodi stečeni obavljanjem privredne djelatnosti;
- prihodi od projekata i
- drugi prihodi stečeni, u skladu sa Zakonom i Statutom.

Član 55.

Sredstva UŠIT-a koristit će se isključivo u svrhu obezbjeđivanja uslova rada i u cilju ostvarivanja ciljeva zbog kojih je osnovan, sve u skladu sa Zakonom.

Član 56.

Korištenje sredstava iz prethodnog člana odvijati će se kroz raspolaganje bez ograničenja.

Član 57.

Plate radnika raspodjeljuju se u skladu sa Zakonom, Statutom i opštim aktima.

VI JAVNOSTI RADA UŠIT-a

Član 58.

Svi članovi UŠIT-a u pogledu rada organa upravljanja imaju pravo da budu informisani.

Javnost rada u pogledu obezbjeđenja primjene stav 1. ovog člana, podrazumjeva obavještanje putem izvještaja o radu organa, oglašavanjem u sredstvima javnog informisanja, na web stranici UŠIT-a, oglašavanjem na oglasnoj ploči UŠIT-a.

Sekretar je u obavezi blagovremeno, a na zahtjev ovlaštenih organa dostaviti im potrebne podatke ili informacije.

Informacije ili izvještaji koji predstavljaju poslovnu tajnu ili Zakonom utvrđenu tajnu, ne podliježu primjeni stava 1. i 2. ovog člana.

VII IZDAVAČKA DJELATNOST

Član 59.

Cijeneći potrebu i finansijske mogućnosti, UŠIT će izdavati stručno-informativni list, radi prezentiranja svojih aktivnosti, te objavljivanja stručnih i drugih radova iz svoje djelatnosti.

Član 60.

Odluku o izdavanju, tiražu, nazivu i organima stručno-informativnog lista, donosi Predsjedništvo UŠIT-a.

VIII NAČIN DONOŠENJA ODLUKE O PRESTANKU RADA UŠIT-a

Član 61.

UŠIT prestaje sa radom u skladu sa Zakonom.

Odluku o prestanku rada UŠIT-a donosi Skupština,

U slučaju iz predhodnog stava, Skupština donosi Odluku u skladu sa Zakonom i Statutom o raspodjeli sredstava, ne dirajući prava preduzeće koje je UŠIT osnovao.

IX NAČIN DONOŠENJA STATUTA, NJEGOVA PRIMJENA I DOPUNA

Član 62.

Skupština usvaja Statut na osnovu glasanja njenih članova.

Smatra se da je Statut usvojen ukoliko za isti bude glasalo 2/3 većine od prisutnih delegata Skupštine.

Izmjene i dopune Statuta usvajaju se na način i u postupku navedenim u stavu 1. i 2. ovog člana.

Skupština utvrđuje prečišćeni tekst Statuta ili Odlukom ovlašćuje Predsjedništvo.

X PREDSTAVLJANJE I ZASTUPANJE UŠIT-a

Član 63.

Lica za zastupanje i predstavljanje UŠIT-a u pravnom prometu sa fizičkim i pravnim licima su: Predsjednik Skupštine i Predsjednik Predsjedništva.

XI RADNI ODNOS

Član 64.

Za obavljanje administrativno-tehničkih i finansijsko-računovodstvenih poslova u UŠIT-u, može se zasnovati radni odnos.

Broj izvršilaca po osnovu opšteg akta o sistematizaciji radnih mjesta utvrđuje Predsjedništvo, a na prijedlog Sekretara UŠIT-a.

Zasnivanje radnog odnosa, prava, obaveze i dužnosti zaposlenika, odvijat će se u skladu sa Zakonom, Statutom i opštim aktom UŠIT-a.

Član 65.

Članovi organa upravljanja mogu ostvarivati pravo na novčanu naknadu za obavljanje svoje funkcije u skladu sa Zakonom i finansijskim mogućnostima UŠIT-a.

Odluku iz prethodnog stava donosi Predsjedništvo Udruženja.

XII PRELAZNE I ZAVRŠNE ODREDBE

Član 66.

Sva pitanja koja nisu uređena ovim Statutom bit će regulisana u podnormativnim aktima.

Akti iz Statuta bit će doneseni u roku od 60 dana od dana stupanja na snagu Statuta.

Statut stupa na snagu danom donošenja.

Član 67.

Do usvajanja i primjene ovog Statuta svi doneseni opšti akti primjenjivati će se dalje ukoliko nisu pojedine odredbe u suprotnosti sa ovim Statutom.

Član 68.

UŠIT je baštinik tradicije, ciljeva, dostignuća i principa šumarske etike Saveza inženjera i tehničara šumarstva i industrije za preradu drveta Bosne i Hercegovine (1947. – 1992.).

Član 69.

Danom stupanja na snagu ovog Statuta, prestaje da važi Statut broj: 01/ST-IV/10 od 16.04.2010. godine.

Broj: 01/ST-IV/12
Sarajevo, 17.04.2012. godine

PREDSJEDNIK SKUPŠTINE

Fadil Šehić, dipl.ing.šum.